



مشختہ جلیلہ اسلامیہ نک جریده رسیہ سیدر

شعبان المعظم ۱۳۳۴ [*]

عدو: ۲۶

آیدہ بر نشر اول نور

اوجہ خبی سنہ

قواخانه عالی قرارری

استملاك وقف حقنده [*]

مساغ شرعی به بناء استبدال ایدلدکجه استملاك ایدلمسی غیر صحیح و بناء علیه دفتر خاقانی اداره سنک تصحیح قیده موافقت ایتاماسی مشروع و شایان تقدیر ایدوکنک جواباً اشعاری بابنده

★ ★

بعدالدعوی والاثبات مدعینک استظهاراً قبل التحلیف غیبوتی اوزرینه اولنه جق معامله یه داتر [*] متوفانک ترکه وافیہ سندن درتیوز طقسان درت ایرا یمین استظهار مسئله سی فصل اولنجه یه قدر قاضی طرفندن امین بر محله حفظ ایدیلوب شاید فضله وار ایسه ورثه نک طلیله فضله مذکورده دن ورثه کبارک حصه لری کندیلرینه صغارک حصه لری ده و صیلرینه تسلیم ایدیلجه جکی

[*] بو بابده مغله قاضیلکنک عریضه سی خلاصه سیدر :

مغله قصبه سنده حاجی جامعی وقفی دیمکله عریف بفرجه نک استملاك قانونی موجبنجه حکومت محلیه ججه معامله لازمه سی بالاجرا اوتوز بش بیک غروش بدل ایله استملاك کنه تشبث ایدلش ایسه ده بو مثللو اجاره و احده لو مستغلات و ققیه نک فراغی انجق اراده سنیة حضرت خلافتیناهی یه وابسته بولمنسه نظراً طاپو سندینک اعطاسی بو بابده کی فرمان عالیشانک شرفصدورینه داتر اعلام شرعینک تسطیرینه متوقف ایدوکی دفتر خاقانی اداره سنک اشعارینه عطفاً مقام متصرفیدن باتد کره بیان اولنش ایسه ده وقف مذکور متولینسک بالرضا محکمه شرعیه یه اجابت ایتیه جکی درکار اولغله اموال غیر منقوله نک تصرفنه عائد مواد قانونیه موقتیه نک ایکنجی ماده سنه توفیقاً استملاك حقنده کی تطبیقات شرعیه نک اجرا سنده دفتر خاقانی مأمورینک قائم مقام متولی اولق اوزره حضور یله معامله جریان ایتدیر یلهرک اعلام شرعی و یریلوب و یرلیه جکنده تردد حاصل اولغله خصوص مذکورده نه کونا معامله ایقاسی لازم کله جکنک امر و اراده بیورلسی بابنده

[**] بو بابده طاشکوپری قضاسی قاضیلکنک ۲۶ رجب سنه ۱۳۳۴ تاریخلی و ۵۲ نومرولی تخریراتی صورتی :

طاشکوپری قضاسنک دباغ خانه محله سی اهالی سندن ایکن وفات ایدن تجاردن پوشناق زاده ... افندینک ترکه وافیہ سندن درت یوز طقسان درت ایرای عثمانی آله جنی اولدیفنی ادعا و اثبات ایدن قسطنطنی تجارندن ... ک مرجعی محکمه شرعیه سنده استظهارنک اجرایی هنکاملرنده مرقومک دیار آخره ذهاب و اقامتکاهنک غیر معلوم اولسی حسیله دعوی مذکورده بلا تکمیل علی حاله قالمش و بوده علاقه دارانه اعطاسی مقتضی دفتر قسام و مصالحتک وقت وزمانیله نتیجه لمنسه مانعه تشکیل ایلش اولدینی کی داین مرقوم نامنه استیفای مطلوبه صلاحیتدار بولنان هیئت مخصوصه یه ترکه مذکورده دن مبلغ مشهود بیک اعطاسی ایجاب ایدر اسباب شرعیه دخی تکمیل ایلماش اولغله خصوص معروض حقنده نه کونا معامله اولنه جکنک امر استیذاننه اجتناسار قلندی اولبابده

بروفتك حصه دارينه تبعاً ساكن اولاندن ديكرحصه ايچون اجرڪ لزومنه دائر[*]
حادثه يه نظراً مومى اليه حاجى محمدك حصه محلوله مذكوره ايچون عائد اولديغى وقف
نامنه بالنأ ما بلغ اجر مثل ويرمى لازم كلور

*
**

اولادك اسلامده خير ابوينه اتباعى حقنده [**]

حادثه ده مهتدى فتحينك اولاد صفارى مرقومه تبعاً مسلمان عد ايدلدىكرى جهته
بابالرى مزبور فتحى يه وارث اولورلر. انجق صفار مزبورون تعقل دين ايتدىكرى حالده
غير مسلم اقربالرى نزدندن آلتوب حاكم الشرع طرفندن همان امانت واستقامتله موصوف
صلحادن برذاته تسليم وتعليم احكام اسلام ايدلملرى اقتضا ايدر

[*] بو بابده اوقاف نظارتك استفتا صورتى :

خرقة شريفه آق شمس الدين محله سنده فرون سوقاغنده كاش خانهك نصفى سعيده خانهك
ونصف ديكرى محلول اولسندن طولاي مشنلى وخام مومى اليهك زوجى بولنان حاجى محمدن حصه
محلوله يه مصيب اجر مثل طلب اولمقدى ومرقوم ايسه مذكور خانهك تمامى زوجه سنك اولديغى وحصه
محلوله دن معلوماتى بولمادىغى وحصه محلوله يى زوجه سنك وفاتندن صكره اكلا ديغى وكندوسى
زوجه سنك خانه سنده زوجه سنه تبعاً اقامت ايتديكى ومسافرة اقامت ايدنلردن اجر مثل آرائيله ميه جغى
ادعا ايتكمده بولنديغندن ايفاي معامله ده تردد ايدلكله اقتضاي شرعي سنك حضور على جناب
مشيختنه هيلرندن استفتاسنه مباشرت قلندى اولبابده

[**] بو بابده سنغورلى قاضيلكنك ۱۱ شعبان سنه ۱۳۳۴ تاريخلى تحريراتى خلاصه سى :

سنغورلى قصبه سى متمكنلرندن وتبعه دولت عليهك ارمنى ملتندن بغوص اوغلى آغوب عسكرلكه
سوق ايديلهرك وظيفه عسكرىه سنى ايفاي ايلكمده ايكن ارزوى وجدانيسيله اهتدا وشرف اسلامه
مشرف ونامى نتجى تسميه اولندقدن صكره وفاتى وقوعنه مبنى مخلفاتى ورثه سنه بر نهج شرعى تسليم
ايدلك اوزره محكمه شرعيه يه تسليم ايدلسندن ومهتدى مزبور فتحينك ارمنى ملتندن زوجه ووالده
وپدرى وصغير اوغلى وقزلى اولديغى لى التحقيق اكلا شلمسندن زوجه سى ايله والده سى وپدرينك
دينلرى مختلف اولغله ارثدن محروم ايسه لرده صغير اوغلى ايله قزلىنك پدرلى مهتدى مزبور فتحى
اسلام اولدقدن صكره يانلرينه كلكسزىن قطعه عسكرى سنده ايكن وفات ايتسندن طولاي پدرلىنك
شرف اسلام ايله مشرف اولديغندن خبردار اولاملرى جهته ارثدن محروم اوللملرى لازم كلور يوخسه
خيرالابوينه تبعاً وارمى اولملرى اقتضا ايدر ويامتوفاي مزبورك اهل اسلامدن وارثى ظهورينه دكين
اموالك على الاصول دائره ايتامجه محافظه سيمى لازم كله جكنده تردد داعيانهم حاصل اولغله اولنه جق
معاملهك استيدانه مجاسرت قلندى اولبابده

